

Bosna i Hercegovina
Federacija Bosne i Hercegovine
Tuzlanski kanton
OPĆINA SAPNA
Općinski Načelnik

Broj: 01-11-108/2024

Datum: 24.01.2024. godine

Na osnovu članova 10a., 10b, 10c. i člana 18. Stav 2) Zakona o javnim nabavkama u BiH („Službeni glasnik BiH“, broj 39/14 i 59/22), te člana 41. Statuta Općine Sapna („Službeni glasnik Općine Sapna“ broj: 6/07, 8/09 i 3/12), Općinski Načelnik Općine Sapna d o n o s i:

O D L U K U o izuzeću primjene Zakona o javnim nabavkama BiH

Član 1.

Općina Sapna kao ugovorni organ iz člana 4. Zakona o javnim nabavkama u BiH (u daljem tekstu: Ugovorni organ) utvrđuje izuzeća od primjene Zakona o javnim nabavkama BiH (u daljem tekstu: Zakon) za nabavku radova, roba i usluga koje su predviđene budžetom općine Sapna za 2024. godinu, kako slijedi:

R.BR	PREDMET NABAVKE	PROCIJENJENA VRIJEDNOST U KM BEZ PDV-a	OSNOV IZUZEĆA OD PRIMJENE ZJN BIH	POZICIJA U BUDŽETU – EKONOMSKI KOD	IZVOR FINANSIRANJA
1.	Usluge električne energije	77.778,00	Član 10c. Stav 5) ZJN	Usluge 613211	Budžet Općine Sapna
2.	Usluge javnog informisanja kod RTV medija	17.094,00	Član 10a. Stav b) ZJN	Usluge 613913	Budžet Općine Sapna
3.	Dugoročni krediti	500.000,00	Član 10a. Stav f) ZJN	Kapitalni primici 814332	Budžet Općine Sapna
4.	Izdaci za vodu i usluge odvoza smeća	6.000,00	Član 10c. Stav 1) ZJN	Usluge 613329	Budžet Općine Sapna
5.	Registracija motornih vozila	3.500,00	Član 10a. Stav 1) tačka d) ZJN	Usluge 613523	Budžet Općine Sapna
6.	Usluge objavljivanja tendera i oglasa („Službene novine FBiH“ i „Službeni glasnik BiH“)	3.000,00	Član 10a. Stav 1) tačka d) ZJN	Usluge 613912	Budžet Općine Sapna

7.	Usluge zajedničke komunalne potrošnje (održavanje javnih površina)	11.111,00	Član 10c. Stav 1) ZJN	Usluge 713724	Budžet Općine Sapna
----	--	-----------	-----------------------	---------------	---------------------

Član 2.

Ugovorni organ zadržava pravo u slučaju obrazloženog zahtjeva zasnovanog na odredbama Zakona o javnim nabavkama da dopuni kao i da izmjeni ovu Odluku (promjeni procijenjenu vrijednost javne nabavke i sl.) na osnovu obrazloženja zasnovanog na ekonomskim i drugim pokazateljima, kao što su znatnije promjene cijena u odnosu na cijene u vrijeme procjene vrijednosti, smanjenje ili povećanje količina u skladu sa izmjenjenim okolnostima i sl.

Član 3.

Dostavljanje izvještaja Agenciji za javne nabavke vršit će se u skladu sa članom 75. Zakona i Upustom o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu e-nabavki (Službeni glasnik BiH, broj: 90/14 i 53/15).

Član 4.

Za realizaciju ove odluke zadužuje se Služba za privredu, budžet i finansije Općine Sapna.

Član 5.

Odluka stupa na snagu danom donošenja i bit će objavljena na službenu stranicu Općine Sapna.

O b r a z l o ž e n j e

Članom 10a. definirano je da se Zakon o javnim nabavkama BiH ne primjenjuje na ugovor o javnoj nabavci usluga za:

- a) sticanje, najam ili zakup, bilo kakvim finansijskim sredstvima, zemljišta, postojećih građevina ili druge nepokretne imovine ili prava koja se njih tiču;
- b) sticanje, razvoj, produkciju ili koprodukciju programskog materijala namijenjenog za audiovizuelne medijske usluge ili radijske medijske usluge koje dodjeljuju pružaoci audiovizuelnih ili radijskih medijskih usluga, ili na pružanje usluga radiotelevizijskog ili programskog emitiranja koji su dodijeljeni pružiocima audiovizuelnih ili radijskih usluga:
 - 1) pojmovi "audiovizuelna medijska usluga", "medijska usluga radija" i "program" imaju značenje utvrđeno u propisima iz oblasti emitiranja,
 - 2) pojam "program" uključuje i radijske programe te materijale za radijske programe, a pojam "programski materijal" ima isto značenje kao i pojam "program";
- c) usluge arbitraže i mirenja;
- d) pravne usluge:
 - 1) usluge pravnog zastupanja stranaka od strane advokata u arbitraži ili mirenju u Bosni i Hercegovini i drugoj zemlji ili pred međunarodnom instancom arbitraže ili mirenja,
 - 2) usluge pravnog zastupanja stranaka od strane advokata u postupku pred sudovima ili organima uprave u Bosni i Hercegovini ili drugoj zemlji ili pred međunarodnim sudovima ili

institucijama,

3) usluge pravnog savjetovanja koje advokat pruža tokom pripreme bilo kojeg od postupaka iz tač. a) i b) ovog stava ili ako postoji konkretna naznaka i velika vjerovatnost da će pravna stvar na koju se savjet odnosi postati predmet takvih postupaka,

4) usluge ovjeravanja i potvrđivanja dokumenata koje pružaju notari,

5) pravne usluge koje pružaju skrbnici ili zakonski zastupnici maloljetnika ili druge pravne usluge čije je pružaoce imenovao nadležni sud u Bosni i Hercegovini ili su određeni zakonom za izvođenje određenih zadataka pod nadzorom tih sudova,

6) druge pravne usluge koje su u Bosni i Hercegovini povezane, čak i povremeno, sa izvršavanjem službenih ovlaštenja;

e) finansijske usluge u vezi sa izdavanjem, prodajom, kupovinom ili prijenosom vrijednosnih papira ili drugih finansijskih instrumenata u smislu posebnog zakona kojim se uređuje tržište kapitala i usluge Centralne banke Bosne i Hercegovine;

f) zajmove i kredite, bez obzira na to jesu li povezani sa izdavanjem, prodajom, kupovinom ili prijenosom vrijednosnih papira ili drugih finansijskih instrumenata;

g) ugovore o radu i rješenja o imenovanju;

h) civilnu odbranu, civilnu zaštitu i usluge sprečavanja opasnosti koje pružaju neprofitne organizacije ili udruženja, obuhvaćene oznakama JRJN 75250000-3, 75251000-0, 75251100-1, 75251110-4, 75251120-7, 75252000-7, 75222000-8, 98113100-9 i 85143000-3, osim usluga prijevoza pacijenata vozilom hitne pomoći;

i) usluge javnog željezničkog prijevoza putnika ili prijevoza putnika podzemnom željeznicom;

j) usluge političkih kampanja, obuhvaćene oznakom JRJN 9341400-0, 92111230-3 i 92111240-6, ako ih je dodijelila politička stranka u okviru izborne kampanje;

k) usluge istraživanja i razvoja koje su obuhvaćene oznakama JRJN 73000000-2 do 73120000-9, 73300000-5, 73420000-2 i 73430000-5 ako korist od njih nema isključivo ugovorni organ za svoju upotrebu u obavljanju svojih poslova i u cijelosti ne plaća pružanje tih usluga;

l) koncesioni ugovor dodjeljuje se u skladu sa zakonima o koncesijama u Bosni i Hercegovini;

m) ugovor o javno-privatnom partnerstvu dodjeljuje se u skladu sa zakonskim propisima o javno-privatnom partnerstvu.

Nadalje, Članom 10c, stav 5 definirano je da su primjene Zakona o javnim nabavkama Bosne i Hercegovine izuzeti ugovori isključivo između dva ili više ugovornih organa ako su ispunjeni sledeći uslovi:

- a) Ugovor se utvrđuje ili ostvaruje saradnja između tih ugovornih organa s ciljem osiguravanja da javne usluge koje oni trebaju pružiti ostvaruju njihove zajedničke ciljeve.
- b) ta saradnja uspostavljena isključivo na osnovu potreba vezanih za javni interes.
- c) ti ugovorni organi ostvaruju na otvorenom tržištu manje od 20% djelatnosti na koje se odnosi saradnja.

Članom 18. Stav (2) Zakona o javnim nabavkama Bosne i Hercegovine („Službeni glasnik BiH“, broj: 39/14 i 59/22), propisano je da u slučaju izuzeća od primjene člana 10. Zakona o javnim nabavkama Bosne i Hercegovine, ugovorni organ dužan je donijeti odluku koja, osim zakonske osnove za izuzeće od primjene ovog Zakona, sadrži osnovne elemente iz stava (1) tačke b), c) i d) Zakona o javnim nabavkama Bosne i Hercegovine (Službeni glasnik BiH“ broj: 39/14 i 59/22).

Pri donošenju ove Odluke, Načelnik Općine Sapna se posebno rukovodio činjenicom da je nabavka planirana u Budžetu Općine Sapna za 2024. godinu, da je realno procijenjena njena vrijednost na tržištu, da su obezvijeđena sredstva za isplatu, da posoji pravni osnov za izuzeće od primjene Zakona o javnim nabavkama

Na osnovu naprijed navedenog činjeničnog stanja odlučeno je kao u članu 1. Ove Odluke.

Dostavljeno:

1. Općinske službe x4,
2. Portal javnih nabavki,
3. Na web portal Općine Sapna,
4. Evidencija i
5. a/a.



OPĆINSKI NAČELNIK

Zudin Mahmutović